

NORBERA EZAGUTZEKO: NIRE NORTASUNA

Helburua	Nortasunaren ezaugarriak adieraztea eta ingurukoen iritziekin kontrastatzea, norberarenak garbiago ikusteko.
Maila	3. maila.
Denbora	Saio bat sarrera irakurri ondoren norberaren ezaugarriak identifikatu eta beste ikasleen iritzia jasotzeko. Beste saio bat datuak kontrastatu eta gero ondorioak ateratzeko.
Baliabideak	“Nire nortasuna” fitxa.
Garapena	Sarrera denon artean irakurri ondoren eta bigarren orria betetzen hasi aurretik ezaugarri bakoitzaren esanahia argitzea komeni da.

Izenlagunak antonimoak dira eta zenbaitek esanahi “neutroa” duten arren, beste batzuk, berriz, “negatiboa” dute. Horregatik komeni da garbi uztea hasieratik ariketa honen **helburua ez dela pertsonak epaitzea**, baizik eta **gure funtzionatzeko eraz jabetzea**, geure burua hobeto ezagutzeko asmoarekin. Gainera, pertsonalitatea nahiko egonkorra izan arren, beti dugu aukera gustukoak ez ditugun zenbait ezaugarri leuntzeko.


Hori dena argitu ondoren, ikasle bakoitzak **bere** **ustez** dituen ezaugarriak aukeratuko ditu **1 (erabat)** edo **2 (zertxobait)** zutabeetan **X** bat jarriz. Proposatutako bi ezaugarrietatik zerbait duenean **0** zutabea markatuko du ikasleak.

Besteen iritziak jasotzeko orri bera erabil dezakete, edo beste bat ez badute besteek zer markatu duten jakiterik nahi. Tutoreak erabakiko du hori nola egin, beti ere elkarren arteko errespetua bermatuz.

Datu guztiak kontrastatu ondoren, ikasleak bere kasuan zeintzuk diren bat datozenak jasoko ditu azken orrialdean.


Bukatzeo tutoreak aprobetxa dezake aukera elkarbizitza errazten duten ezaugarriei buruz eztabaidatzeko eta baita gelari buruzko bere iritzia emateko ere.

nire nortasuna



Zientzialariek ondo dakitenez, pertsona bakoitzak duen kode genetikoak bakarra da eta horri esker identifikatu dezakegu edozein gizaki zalantzarik gabe. Gaur egun animalien klonazioa errealitatea izan arren, oraindik ere esan dezakegu **pertsona bakoitza bakarra** dela, eta ez alderdi genetikotik begiratuta soilik, baita **bizitzaren gertaeren aurrean ematen duen erantzunarengatik** ere.

Anaia edo ahizpa bikien kasua oso nabarmena da: fisikoki oso antzekoak izan arren, izaeraz oso desberdinak izaten dira. **Nortasunak** ere pertsonak bereizteko balio du. Zer da, ba, nortasuna? Harluxet Hiztegi Entziklopedikoan ondorengo azalpenak aurkitu ditugu:



- Gizabanako bakoitzaren izaera eratzen duten ezaugarrien multzoa.
- Pertsona bat besteengandik nolabait **bereizten duten** eta halako mailan nabarmen izatea dakarten ezaugarrien multzoa.
- Zenbait gertaerek izaera alda dezaketela onartzen den arren, aldaketa hauek oso txikiak ohi dira.

“Kukue beti kuku” dio atsotitz batek. Zer esan nahi du ?

Pertsona baten nortasuna definitzen duten ezaugarriak nahiko egonkorrak badira, gureak zeintzuk diren argitzeak merezi du, ezta?



Ondorengo orrian nortasunaren ezaugarri batzuk aurkituko dituzu bi multzotan antolatuta -ezkerra eta eskuina-, eta erdian lauki batzuk.


Ezaugarriak bikoteka daude antolatuta, bata bestearen kontrakoa delarik. Bikote bakoitzean zure ustez gehien definitzen zaituen ezaugarria markatu behar duzu X bat jarritz **1** zutabean **erabat** definitzen zaituen ezaugarria bada, edo **2** zutabean, **zertxobait** baino ez erabat definitzen bazaitu. Erdiko laukia bietatik zerbait duzula uste duzun kasuetarako utziko duzu.

Bukatzen duzunean zure nortasuna gehien definitzen duten ezaugarriak izango dituzu aurrean, baina datu horiek ez dira erabat fidagarriak izango ez badituzu kontrastatzen zure inguruko pertsonen iritziarekin. Horregatik, zurea bete ondoren, ondo ezagutzen zaituzten lagunei eta familiakoei galdetzea proposatzen dizugu.



Datuak kontrastatu ondoren, zure ustez gehien definitzen zaituztenak (1 zutabekoak) jasoko dituzu bukaeran, zure burua hobeto ezagutzeko balioko dizute eta.


nire nortasuna



Izena _____

Data _____

	1 ERABAT	2 ZERBAIT	0	2 ZERBAIT	1 ERABAT	
LOTSATIA						IREKIA
SENTIBERA						BIHOZGABEA
LAGUNKOIA						BAKARTIA
FIDAKORRA						FIDAGAITZA
DEMOKRATIKOA						INPOSATZAILEA
ESKUZABALA						ZEKENA
IRUDIMENTSUA						ARAUZALEA
ZINTZOA						FALTSUA
HARROPUTZA						XUMEA
TRISTEA						ALAIA
URDURIA						LASAIA
GOGOTSUA						GELDOA
ZIURRA						ZALANTZATIA
ARDURATSUA						ARDURAGABEA
MAITEKORRA						HOTZA
PAKEZALEA						BORROKAZALEA
EZKORRA						BAIKORRA
AUSARTA						BELDURTIA
IDEALISTA						ERREALISTA
MALGUA						TEMATIA
OLDARKORRA						ZUHURRA
HASERREKORRA						ATSEGINA
SENDOA						AHULA
BURUJABEA						MENPEKOA
MOLDAKORRA						ZORROTZA-KRITIKOA



Jardueraren balorazioa

Data _____

Taldea _____

Helburua betetze-maila

- Nortasunaren ezaugarriak adieraztea eta ingurukoen iritziekin kontrastatzea, norberarenak garbiago ikusteko.

☐ ongi

☐ nahiko

☐ eskas

.....

.....

.....

.....

Iruzkinak

Baliagarria izan dena

.....

.....

.....

.....

Sortutako arazoak

.....

.....

.....

.....

Aldatu beharrekoa

.....

.....

.....

.....